

امور تحریریه ایچون فؤاد بک
وامور اداره ایچون آرتین افندییه
مراجعت اولنور.



مسلکمزہ موافق آثار قبول اولنور.
درج اولمایان اوراق اعاده اولماز.

مجله ادبیات

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

پیدا اولمشدر. بر طرفدن ذهنلر بر طاقم اوصاف ثابته و مشارب مخصوصه ايله ممثلی اوله برق طوغمقده، دیگر طرفدن ده بعد الولاده تدریجاً کسب مکملیت ایتکده در. اگر مدارج اعتلا و تمدنه واصل اولمش بر قوم ايله ترقیجه بر حد وسطیده قالمش اولان دیگر بر قوم یکدیگرینه قیاس ایدیهلرک اولورسه برنجیسنده ایکنجیسنندن ده چوق مقدارده معارفند آذملره تصادف اولنور. یعنی برنجیده صنایع و هنر ایکنجیدن ده مبدول اولور. موسیو (لوبون Liebon) و سائر محبت بشر علماسنک فرض و تخمینته کوره انتخاب صورتیه اولمایوب بطریق التصادف آوروپالیر میانسندن تفریق ایدیهلرک بیک کشینک طغوز یوز طقسان بشی ذکا و فطایحه عین مقدارده کی هند اهالیسندن دون دکلسده بک آکا فائق ده دکلد. برنجیلرک ایکنجیلره جهت رجحانی، اهلیت فوق العاده و لیاقت استثناییه ايله متصف بر، ایکی آوروپالینک وجودندن عبارت قالور.

دیمک اولیورکه اقوام عالیه و یاریم مدنی اقوام بیننده موجود اولان فرق، دائماً خاصه عقلیه و قوه مدرکتهلرک برنده دیگرندن سریع یاخود بطی اولمشندن عبارت قالمایوب اقوام سفلیه نك درجه مطلوبه ده مقتدر و هنرور آذملر بیتیشدیره مه مه سندن تحدت ایدیورمش.

(مابعدی وار)

کوی هکیمی

(مابعد)

نباتات، معتدل حرارتلی و قیوسی آچیق بر فرونده ده کوزل قورودیهلیر. قورو- دیله حق چپکلرک صاپلری قوپارلدقن صوکره قورودله سی لازم کلیر.

{ایکنجی باب}

معالجاتک صورت استحضار استعمالی

داخل استعمال اولنه حق شیلر

مشروبات

ات صوبی — عصاره

— عصاره دینیلان مطلوبو خک استحصالی

ایچون:

۱۲۰ غرام قوزو قولاغی؛

۱۶ « مایده نوز

۱۲ « عادی طوز

۱۶ « تازه تره یاغی

۱ لیتره صو

استحضار اولنوب اولا مایده نوز ايله قوزو قولاغی تمیزجه یقمامالی. صوکره صوبی برطوبراق تجره ایچنه قویوب آتش اوزرینه وضع ایتلی. صو قاینادیغی زمان طوز و تره یاغی ايله برابر مایده نوز و قوزو قولاغی دخی وضع ایدیهلرک بر قاج طاشیم قایناتملی. بوضورتله استحصال اولنان مشروب صیچاق حالده ایچایر.

طاووق صوبی — ات صوبی کیدر. ۲۵۰ — ۳۰۰ غرام طاووق اتی [که یارم طاووق دیمکدر] تقریباً برلیتره طاووق صوبی حاصل ایدر. بو مقدار طاووق اتنه بر باش صوغان، بر شالغام، بر ازده طوز علاوه ایدیلوب اتلر تمامیه پیشخیه قدر قاینادیلیر. چیقاریله حق صو مطلوبه موافق اولوق ایچون طاووق اتی غایت اوافق پارچه لامق لازمدر. دانه اتی صوبی — دانه اتی صوبی،

طاووق اتندن چیقارلیدیغی کبی یاپیلیر و مواد آروتیه سی آز اولیدیغی جهتله غایت خفیف اولور.

عصاره — بعض نباتاتک تعصیریه استحصال اولنان مایعدن عبارتدر. عصاره

مذکوره مساوی مقدارده یبانی هندبا، تره، خودان [بالق اوقی]، شاختره و مایده نوس یپراقلری تعصیر ایدیهلرک و سوزکدن کپیریهلرک استحصال اولنور. بونک طعمی بک خوش اولمادیغندن مناسب بر شروب ايله [مثلاً خطمی شروبيله] نصف نصفه قاریشدیریهلرک استعمال ایدیهلیر.

منقوع — تعطین — مطبوخ — لعاب — محلول.

منقوع — هر هانکی بر معالجه نك اوزرینه قاینار صو دوکولمک صورتیه استحصال ایدیلیر. بوضورتله منقوعی استحصال ایدیهلرک نباتک قاینار صو دروننده درت، بش دقیقه دن زیاده بر اقامسنه ذقت ایدیلیدر. صیچاق لیوناته. — لیونک قابوغی صویولوب غایت ایچنه، مدور دیلیرله تقسیم اولندقدن و چکر دکاری چیقارلدقن صوکره اوزرینه قاینار صو دوکیلرک ده صوکره شکری وضع ایدیلیر. عینی صورتله پورتقال اته دخی یاپیله بیلدیگی کبی اوزرلرینه دوکیلرک صیچاق صویک شکری اولجه وضع ایدیلکده ممکن و مناسب اولور.

صوغوق لیوناته. — بر لیتره صو دروننه بر لیون صیقیهلرک صوکره شکری علاوه اولنور. لیوناته به رایحه و بر مک ایچون اوافق بر پارچه شکرک لیونک قابوغنه سوزولمش بولنه سی کافیدر.

تعطین. — صوغوق منقوع دیمک اولوب متصل بر ماده نك حاوی اولیدیغی مواد اصلیدن بر قسمنی هوایه معروض مایع دروننده آغیر آغیر حل ايله ممکن عبارتدر.

تعطین ایدیهلرک قورو نباتات استعمالدن ۶-۸ ساعت اول صویه غطس ایدلیدیگی حالده منقوعدن ده قوتلی اولدقن باشقه غایت لطیف بر رایحه ده مالک بولنور. بو یولده استحصال اولنان مایع کوزلجه سوزولدقن صوکره تسخین ایدیلیر.

میان شرتی — میان کوکی «مطبوخ» نامی آلتند بولنان معالجاتک بر چوغنه کوزل رایحه ویرمک ایچون استعمال اولنور. صورت استمالی: میان کوکنک قابوخی صوبولدقن وهاوانده براز ازیلدکن صوکره مطلوب اولان نبات ایله برلکده نفع یاخود تعظین ایدلکدن عبارتدر.

تنیه — اصل میان کوکی ایله سیاه میان کوکی تقریق ایتدی، زیرا سیاه میان دیگرینک خاصه سنی حائر دکلد.

مطبوخ — صوبی التیق مطلوب اولان مواد طبیعی برمایع دروننده قایناتغه مطبوخ تسیمه اولنور.

آرپه صوبی [مطبوخی] — برقاشیق نمسه آرپه سی یاخود آیقلاشم عادی آرپه برلیتره صودرونه وضع ایله دانه لر کوزله پیشوب چانلانجهیه قدر قاینایلیر. نمسه آرپه سی بولنه میوبده آیقلاشمش آرپه نك استعمالنه مجبوریت کوروندیکی تقدیرده، بونی ایکی دفعه قایناتقی وایلمک دفعه حاصل اولان صوبی، قابل شرب اولمادیغی جهته، دوکدرک ایکنجی دفعه قاینامه دن متحصل صوبی استعمال ایله مک لازمدر.

خطمی صوبی یاخود لعابی — صوغوق صوبیه غطس ایله تعظین ایدلمک صورتیه استحصال اولنان خطمی صوبی، صیحاقت صوده نفع ایله آنان لعابدن دها زیاده استماله صالحدر. تعظین ایچون خطمی یی اون ایکی ساعت، نقی حالنده ایسه یالکز یارم ساعت قدر برمدت صوده براتقی لازم کلیر.

کتن تخمی صوبی یاخود لعابی — کتن تخمی تمیز بر بزه باغلا یوب صوده قایناتمله استحصال اولنیدیگی کبی صوغوق صو ایله ده یا بلق ممکن اولور.

محلول — متصلب بر جسمی برمایع دروننده اریتمک صورتیه استحصال اولنور: شکرک، طوزک صوده اریتمه سی کبی، محلول هم

صوغوق همده صیحاقت صوده یایله بیلیر. ضنع محلولی — پارچه حالنده ضنع عرینک انحلالی مشکجه اولدیغندن ضنع محلولی بر مطبوخه علاوه ایدلمک ایستلیدیگی زمان صیحاقت صوبیه آتیلوب اوزری اورتولور. ضنع بو صورتله درت بش ساعت ظرفنده اریر. ضنع صوغوق صو ایچنده ده قابل انحلال ایسه ده براز زیاده جه زمانه محتاجدر. اریلدکن صوکره اینجه بر آصداردن کچیریلیر. فقط لزوجیتی سوزولمکه مانع اوله جغندن بو آرائق دروننه براز صو قاتقی وقوتلیجه صیقمق لازمدر.

(مابعدی وار)

﴿وصایای نافعہ﴾

— صودرونه بر مقدار آمونیاق [نشادر روحی] وضع ایدیلوب بو صورتله استحصال اولنان محلول ایله کوموش وبلور آوانی ییقانه جق اولورسه بولنه فوق العاده بر پارلاقلق ویرر. باقر، پرنج کبی معدنی شیلری تمیزله مک ایچون قوللانیله جق توز دروننه بر آز آمونیاق علاوه سی حالنده دخی عینی حال مشاهده اولنور.

— «پارافین» دینیلن اجزادن بر مقداری برسونکر یاخود بز اوزرینه قویکز. بونکله پنجره لرکزک قسم خارجینی شایان حیرت بر صورتده تنظیف ایدرسکز. فقط بونکله بر کره تنظیفدن صوکره تمیز وقورو بریز ایله تکرار سیمک لازمدر.

— یاغ لکهنی تمیزله مک ایچون بهوده صابون استعمال ایتدیکز. لکهنک اوزرینه بر قاشیق سوت دوکدرک بریز ایله دلك ایتمک کافیدر.

— یازین شدت حرارتی تعدیل ایتمک ایسترمیسکز؟ او طه کرک اورتیه سنه بیوک بر

قاب ایله [مثلا لکن] صو وضع ایدهرک صوبی کونده ایکی اوج دفعه تبدیل ایدیکز. حرارت حس اولنه جق درجه ده تناقص ایدر. — کوچوک چو جوقلر کزی یتاقلرینه یاتیرمازدن اول، اللرنی، یوزلرنی، ممکنسه هر طرفی صوغوق صوبیه باتیرلمش سونکر ایله بیلدیر.

— یاز کونلری چو جوقلرکزک، تر واسطه سیله حاصل اولان ضیاعلرنی تلافی ایچون صو ایچمهلرینه مانع اولدیکز.

— یازلق البسه کر ییقاندیغی زمان رنگلری آتور ایسه چاشیرلرک صو دفعه ییقانه جی صو ایچنه بر آز طوز علاوه ایدیکز.

— یاز کیهلری انسانک اکثرا اویقوسی مختل اولور. بونک ایچون یکانه چاره یتاغه کیریله جکی زمان صوغوق صو دوکونمک، آز وخفیف طعاملر ییمکدن عبارتدر.

— تائی ایله بیوب تائی ایله ایچیکز. — چوق یمک، وقلی وقتسز اویقویه یاتقی مغل صحت اولدیغندن بو خصوصیه پک زیاده دقت ایتدیلیر.

— یتاق او طه لرینک دائما هوادار بر حالده بولمهنه، هوا منفسلرینک پنجره لرک یوقاری طرفلرنده یاپلمهنه ده دقت ایدیکز. — اشتهاکز اولمادیغی زمان زورله یمک یمدیکز.

— مساعیکزی تنظیم ایدیکز؛ یعنی اوقات منتظمه ومعینه ده چالیشکز. درقنور ف.

— ❦ —

﴿دکز حاملری﴾

دکز حاملری حقننده اوتیدن بری رسائل وجراند فیهده بر چوق معلومات ویرلمش ایسه ده حسب الموسم شو آرائق معلومات مذکورهنک اجمالا تکرار ایله برابر